

Fundargerð nr. 10

Framkvæmda- og veitunefnd Flóahrepps

Fundarstaður:	Þingborg fundarsalur
Fundardagur:	Fimmtudagur 10. nóvember 2022
Fundartími:	10:00– 11:45
Fundarmenn:	Haraldur Einarsson, formaður nefndar Heimir Rafn Bjarkason Hjalti Guðmundsson Guðmundur Daníelsson, Flóaljósi Hulda Kristjánsdóttir, sveitarstjóri Börkur Brynjarsson kom undir lið 2 í fjarfundi

Haraldur Einarsson stýrði fundi.

Hulda Kristjánsdóttir ritaði fundargerð.

1. Guðmundur Daníelsson verkefnisstjóri Flóaljóss mætti til fundar.

GD kynnti ljósleiðaraverkefni Flóaljóss, fór yfir söguna og rekstur kerfisins. Mikilvægt að átta sig á virði og mikilvægi kerfisins fyrir íbúana og áhrif á byggð og byggðapróun í sveitarfélaginu.

Rætt um getu kerfisins til stækkunar og fjölgunar tenginga. Ekki eru takmörk í tengimiðjunni í Þingborg en horfa verður á að ákveðin svæði með mörgum íbúðarhúsum taki ekki alla þræði og þar með getu kerfisins þannig að erfitt sé að tengja sig við kerfið í dreifðari byggð sveitarfélagsins. Lögð áhersla á að sveitarstjórn hafi ávallt í huga getu ljósleiðarakerfisins þegar ný íbúðasvæði eru samþykkt og lofi ekki tengingu við kerfið nema að vel athuguðu máli.

Flóaljós er rekið með hagnaði sem gengur smám saman upp í fjárfestinguna sem farið var í við uppbyggingu kerfisins.

GD sendir glærur á sveitarstjóra ásamt rekstrarskýrslu Flóaljóss og því verður svo deilt með nefndinni. Í rekstrarskýrslu verði meðal annars fjallað um rýmd eða getu kerfisins, teknar saman upplýsingar um ný tengingar og bilanir.

Verkefni nefndarinnar að skilgreina viðbragðstíma vegna bilana í samráði við GD þ.e setja upp skilgreindan viðbragðstíma vegna bilana.

2. Staða verkefna hjá BB:

a) Eftirlitsskýrsla frá Heilbrigðiseftirlitinu:

Athugasemdir komu frá Heilbrigðiseftirlitinu við reglubundið eftirlit hjá Vatnsveitu Flóahrepps sem farið var í 25. Október 2022. Athugasemdin snýr að því að það vantar innra eftirlit þ.e. utanumhald, eftirlit og skráningar.

Mikilvægt að koma upp kerfi varðandi innra eftirlit. Skilgreina þarf aðila innan raða sveitarfélagsins sem hefur það hlutverk að fara reglulega og skrá rennsli og taka stöðu í dæluhúsum. Haldið verði utanum skráningar á skrifstofu Flóahrepps.

Skráningar vegna reglubundins eftirlits, niðurstöður úr sýnatökum og viðgerðir settar í möppu og geymdar á skrifstofu Flóahrepps.

BB sendir form á skráningum á sveitarstjóra. Sveitarstjóri felur starfsmanni sveitarfélags að annast reglubundið eftirlit og skráningar.

b) Vatnsveita Flóahrepps:

Börkur er með vatnsveitugrunninn eins og hann er í dag. Eitthvað er hnitað en mikilvægt að halda áfram að vinna að því að grunnurinn sé sem réttastur.

BB heldur áfram að vinna í grunninum að vatnsveitunni.

- c) Nefndin óskar eftir rekstrarskýrslu fyrir Vatnsveituna. Í dag eru skráningarnar í bókhaldi sveitarfélagsins. Lögð áhersla á að skrá bilanir, útköll og kotleggja kerfið. Formleg skráning hjálpar til við forgangsröðun á viðhaldi vatnsveitunnar.

BB taki saman helstu upplýsingar um bilanir og útköll og sendi á nefndina.

- d) Urriðafoss:

Börkur hitti verktaka í vikunni. Gerðar voru athugasemdir á frágangi á handriðum og staurum. Verktaki hyggst laga skekkjur og annað sem verkkaupi telur ábótavant varðandi framkvæmdirnar. Upplýsingaskilti sem var tekið niður í vor liggur undir skemmdum eftir að verktaki lagði það til hliðar. Lögð áhersla á að verktaki taki þátt í kostnaði við nýtt skilti. Steypustyrktarteinar með böndum í gegn verða settir við endann á göngustígnum.

BB hefur eftirlit með framkvæmdum og ýtir eftir því að verktaki klári verkefnið.

Fleira ekki tekið fyrir og fundi slitið kl. 12:00